

МАЙТЬ

10-це шистонза 1941 кизоня

52 (1848)

ПИТНЕЦ 10 тр.



# Комсомолю ВАЙГЯЛЬ

ВЛКСМ-нь МОРДОВСКИЙ ОБКОМЪ И САРАНСКИЙ ГОРКОМЪ ГАЗЕТАСНА

ЛИСЕНДИ

9-це КИЗОСЬ

Адресъ: г. Саранск,  
Советская ул., Дом печати.

Партия и правительствать руководительсна, Красная Армия высшей командования 1941 кизонь 5-це майста Большой Кремлевский Дворецса торжественной собраниасот, кона посвященный военной академии аделай командирхень выпусксонды.

Трибуналь эса Сталин ялгасъ.

Кержи ширде види шири: А. А. Жданов, А. А. Андреев, А. С. Шербаков, Г. М. Маленков, К. Е. Ворошилов, Н. А. Вознесенский, М. И. Калинин, Н. М. Шверник, В. А. Малышев, С. К. Тимошенко, В. М. Молотов, Г. М. Димитров, Л. З. Мехлис, Г. К. Жуков, К. А. Мерецков, С. М. Буденный, Г. И. Кулик, Н. А. Булганин, А. И. Запорожец, М. Г. Первухин, Л. М. Каганович и А. И. Микоян ялгатне.

Фотось Ф. Кисловъ (ТАСС).

## ЦЕБЯРСТА И НЮРЬКЯНЯ ПИНГСТА ЙОТАФТСАСЬК ВИДЕМАТЬ

Тундасъ кунара ни сувасъ эсь праванзонды. Лаказъ-лакай социалистический паксятнень эзга работасъ. Тяднен сельско-хозяйственный кизотъ колхозне васьфезъ оцю производственной подъемса. Шиста-шис тундан работатнень пашкодемаса келемшши социалистический соревнованиясь. Эрь колхозсь тюрн сякса, штоба успешнайста и цебарь качества мархта этафтомс ответственной кампаниять—тундань видемасть.

Тундань видемасть этафтомс эзда зависит оцю урожайнь получамаста сталинский заданиять пашкодемац. Тянь инкса республикасонк лама колхозт использовандакшнесазъ велень хозяйствань передовикнень работань опытсон, видихть агрономиять полнай соответствиясь.

Оцю роль кирди тундань работатнень тиеста трудть правильнайста организовандамац. Звенатне, конатнень мельге кемокстафт участкатне, нинге талонда ушедеть этафнема оцю урожайть получамац инкса лама мероприятия.

Тундань работатнень эса могут пак лама тиеме комсомолецне, а лама комсомольский организацият нефтезъ ни эсь авангардней рольсон; примосихть активнай участия непосредственна паксянь работатнень эса, кемсесазъ эсь благороднай инициативасон, ацихть социалистический соревнованинь васень ряттнень эса.

Торбеевский районца аф кржа комсомольский организация нефнихть пример сембе колхозникнendi. Тя районь Сталинть лемса колхозонь комсомольский организациянь комсомолецне Рустаев, Бадамшин, Янакаев ялгатне эрь шиня, кодак листъ видема, нормасон пашкоткшнесазъ 150 и сяда лама проценты. Именна комсомолецне тя колхозса ацихть социалистический соревнованинь инициаторкс. 11 комсомолецнень эзда кемотне участводайхть непосредственна черновой работаса—тундань видемаца.

Зубово-Полянский районць тундань видемасть молемац кржас занцесы республикасонь васенце вастть. Колхознай комсомольский организациятне максихть эсь колхозсонды оцю лезкс. «Марстонъ вий» колхозонь комсомольский организацият оцю лезксонц и инициативанц вельде правильнайста организовандаф колхозса трудсь, тяниень пингть паксяса мольтевн звеньевой работа. Комсомолецне лездеть колхозти большевистский тундати анокламаса.

Но эряви азоме, што нинге лама комсомольский организация эсь боевой задачасон аф шархкоткшнесазъ. Аф ацихть партийнай организациятнendi активнай помощниккс. Тяфта, Мельчанский районь Кулдымский и Вертелимский колхозонь комсомолецне аф участводайхть видемаца, аф вятихть агитационнай работа паксяса работай колхозникнень мархта. А тя синдейст аци фкя инь важнай задачкакс.

Аф сяда цебарьста аци положениась и Сире-Шайговский районь кой-кона комсомольский организациятнень эса. Сарга велень комсомольский организациянь кой-кона комсомолецне аф участводайхть производственной работатнень эса. И марнек комсомольский организациясь пак кржа занимакшши производственной характерса кизефисень мархта.

Азф аф сатыксне эрявихть машфтомс инь маластонь пингть. Тюреме сянь инкса, штоба зянаме колхознай работатнень эса васенце васттнень, личнай примерса вятеме колхознай од ломаттнень партия и правительствать мархта путф задачатнень пашкодемасонды, вишкоптеме массово-разъяснительнай работатъ. Тя работаса особай мяль эряви шарфтоме колхозникнень трудсон инкса дополнительнай пандомать колга ВКП(б)-нь Центральной Комитетъ и СССР-нь Совнаркомъ постановлениасон азондомасонды.

## Трудть правильнайста организовандаманц вельде

Колхозникнendi трудсон инкса дополнительнай пандомать колга СССР-нь Совнаркомъ и ВКП(б)-нь ЦК-ть постановлениасна кемодеть производственной подъем. Колхозникне кармасть тюрема трудонь производственностть кемодеманц инкса.

Зубово-Полянский районь Од Выселка велень «Марстонъ вий» колхозсь тя постановлениа меле кярмодеть трудть правильнайста организовандаманцы, кона аци решающей условиякс сельскохозяйственной кампаниятнень успешнайста этафтомасонды.

Юцю лезкс максихть колхозти комсомолецне. Синь эсь личнай примерсон мархта тундань видема инголе мобилизовандазъ колхознай од ломаттнень и сембе колхозникнень тундань видема анокламать работати. Комсомольский организацият инициативанц и вийнц вельде «Марстонъ вий» колхозть паксязон лангс укэф 1000 тона назем, аноклаф 200 центнер минеральной удобрения.

Ив. Мялин.

## ТРУДСЬ ЛАДЯФ Организованнай- СТА

Трудть правильнайста организовандамац—аци фкя инь важнай условиякс сталинский урожайнь получамаца. ВКП(б)-нь ЦК-ть и СССР-нь Совнаркомъ колхозникнendi трудсон инкса дополнительнай пандомать колга постановлениа меле Сире-Синдровский районь Колана велень колхозса кемодеть од производственной подъем. Колхозть паксянц участкань-участкань кемокстаф звенатнень мельге, конатнendi звеноводкс кемокстафт инь лучший колхозникне.

Цебарьгодъ колхозникнень эткса массово-разъяснительнай работасъ. Комсомолецне сембе кемокстафт бригадатнень эзга.

Е. Врагова.

## ТАСС-ть ОПРОВЕРЖЕНИЯЦ

Японский газетатне печатлазъ Домей Цусин агентствать Нью-Йоркта сообщениац, конань эса корхтати, што, кода пачфневи Юнайтед Пресс агентствать корреспондентонц Вишита телеграмманц эса, Советский Союзсь бта пуропни крупнай военной вийхть западней границатнень лангс. Москуса дипломатический круке, корхтай агентствасъ, тяфта жа азондсазъ, што западней границатнendi войскань пуроптомась этафневи пак оцю масштабса. Тяконь инкса лоткафтф Сибирский машина кить эзга пассажирский движениась, сяс мес Дальний Востокта войскатне этафневихть, сембода пак, западней границатнendi. Средний Азияста тоза тяфта жа этафневихть крупнай военной вийхть. Кафта запаснай воздушнай армиятнень эзда, конат ацихть Верховнай командованиять непосредственной распоряжениясонза, фкя армиясь максоф ни Киевский Особай военной округть распоряжениясь. Сон аци 1800 бомбардировщикста и 900 истребительста. Чернай и Каспийский морятнень эса военно-морской флотне вийафтф Балтийский флотста военной кораблянь этафтомать вельде. Йотафтф 28 подводнай лодка, 45 миноносец и

18 канонерка. Военный миссиясь во главе Кузнецовъ мархта Москва тусъ Тегерану. Миссиять назначенияц, корхтай агентствасъ, связанай Иранть центральный и западней частезон эса Советский Союзти аэродромонь максомать колга кизефисъ мархта.

ТАСС-сь уполномочен азоме, што Домей Цусинъ тя подозрительна кривливый сообщениац, конань сон сявозе Юнайтед Пресс агентствать неизвестнай корреспондентонц эзда, аци сонь авторонц аф шумбра фантазиянцы плодкс. Кузнецов ялгасъ эрий Москва, а аф Тегеранца, кодамовок подводнай лодкат или миноносецт балтфлотъ районца апац этафтт и аф этафневихть Каспийский или Чернай моряв, кодамовок «крупнай военной вийнъ пуроптома» СССР-ть западней границанзон лангса аш и аф арьсеви.

Домей Цусинъ сообщениасонза уликс пак аф оцю правдасъ, конац сяка пингть пачфтьф пак искаженнайста, аци сянь эса, што Иркутский районца этафневи Новосибирский районц фкя стрелковой дивизия, сяс мес Новосибирский сяда цебарьхть квартирной условияне. Сембе лядикссь Домей Цусинъ сообщениасъ—сплошной фантастика.

## ВЛКСМ-нь ЦК-са

Кой-кона школатнень эса комсомолецне и пионерхне пак перегруженайхть различной общественной порученияс, конат вреднайста отражаются школьникнень успеваемостьсон и шумбрашисон лангс. Лама учапайхть этафнихть лама пункта заседаниятнendi, собраниятнendi, совещаниятнendi, пашкоткшнихть лама общественной порученият.

Тя кизефисъ ня шитнень эзда обсуждадавсь ВЛКСМ-нь ЦК-са. ВЛКСМ-нь ЦК-сь эсь постановлениасонза предложил

комсомольский организациятнendi решительна кырфтамс комсомольский и пионерский организациятнень эса всякай собраниятнень и заседаниятнень этафнемазон. Майста и тонафнема кизотъ аделавомс запрещеннай этафнема школаса олимпиадат, смотрхт, различной спортивной соревнованиа, конференцият, сяс мес сембе ня мероприятияне аерфнесазъ школьникнень испытаниятнendi анокламать эзда.

(ТАСС).



## КЕМОКСТАСАСЫ РОДИНАТЬ ОБОРОНАЙ МОЩЕЦ

Од Выселкань аф полный средний школань ученикне и педагогический коллективс оцф воодушевленияс васьфтез 15-це лотереянь билетонь поддамать. Синь эздост кажнайс цебарьста содасы, што тя мероприятия успешнайста этафтомац нинге сядонга пик кемокасты Советский Союзть обороннай мощени.

Сяс и билетонь реализациять васенце шистонзакиге 5-це классонь ученикне рамасть 22 цалковайнх питне лотерейнай билетт, 9-це «А» класса билетта рамаф 20 цалковайнх питнес. Тяфта жа распространядакшневихть билетне лия классень эсовок. Билетонь рамамась моли.

В. Общев.

## ТИХТЯМА СПОРТПЛОЩАДКАТ

Сире-Шайговский районца кой-кона комсомольский организацияне кярмодеть кизонь спортивной сезонта аноклама. Маластонь пингть райцентраса ули одукс тиф этай кизонь спортивной площадкась. Тя тевти нолдаф 2000 цалковайда лама ярмак. Спортивной площадкась улихть тифт препятствиянь полосат, турник, брусчат. Сембе тя максы возможность райцентрань од ломаттнени занимаданкшнемс физический культураса—спорта.

Д. Алямки.

## ИЗБА-ЧИТАЛЬНЯТЬ РАБОТАЦ

Од Выселкань велень изба-читальняс образцовайста ладяф работась, коса избачекс аци Баранов ялгась.

Изва-читальняс этафневи газетань лувом. Тиендевихть сидеста международнай положенийть колга докладт, лекцият.

Баранов ялгась эсь цебарьста работаманц мархта изба-читальняс ладязе массово-разъяснительнай работат.

Келаскин.

З. Полянский район.

## ВИШКОПТЕМС ПРОПАГАНДАТЬ ЛАНГСА РУКОВОДСТВАТЬ

Мордовиянь комсомольский активть и од интеллигенциянь инь ламоц оцю успех мархта тонафнесазь Марксизмань—Ленинизмань основатнень энциклопедияснон — «ВКП(б)»-нь историять краткай курсонц. Лияке аш кода, иба анык ВКП(б)-ть героический историянь тонафнеманц вельде можна арамс настоящей коммунистос.

Шарьхкодемек тянь, Зубово-Полянский районца 17 комсомолец аделазь ВКП(б)-ть историянь Краткай курсонц тонафнеманц и кярмодеть ни тонафнема первоисточникнень. Тя тевса тейст оцю лезкс максси ВЛКСМ-нь райкомсь, конац организоваданкшн ВКП(б)-ть историянь самостоятельна тонафниензонды консультацият, лекцият и этафни мархтост семинархт. Тяфта комсомолонь райкомть бюронь членец Дмитриева ялгась лувсь ни ВКП(б)-ть историястонза разнай темань коряс 4 лекцият.

Аф калдяв сатфкет пропа-

гандистский работать цебарьгофтомаса сатс Саранский райононь комсомольский организациясь. Тяс пцтай сембе комсомолецне фатяфт политобразованияса. Но, однака, аш кода тянь колга нинге азомс ВЛКСМ-нь Торбеевский райкомть работанц колга. Кода аф странна, сави азомс, што тя райкомсь пик калдявста руководит комсомолецнень политический воспитанияснон лангса. Мезть сюнеда районца тячимс 400 лама комсомолец политический учебань кодамовок формаса апак фатякт.

Комсомолонь райкомтнень за-дасна аци сян эса, штоба повседневно руководить комсомолецнень политобразованияснон мархта, организовадамс ВКП(б)-ть историянь самостоятельна тонафниензонды практический лезкс, штоба комсомолецне систематически кепселез эсь идейно-политический уровеньон.

А. Кузнецова.

## ОЦЮ МЯЛЬ ОД ЛОМАТТНЕНЬ ЙОТКСА РАБОТАТИ

1941-це кизоня васенце кварталста Рыбинский районнай комсомольский организациясь примась эсь рядозонза 109 передовой од ломань. Тя корхтай, васендакиге, сян колга, што башка комсомольский организацияне цебарьста работаст аф союзнай од ломаттнень эткса. Но тя цифрась ламода нинге аф отвечайс требованиямнени, конат путневихть комсомольский организациятнень инголи од ломаттнень эткса работат коряс.


Нинге тячимс Рыбинска лувондови 54 первичнай организация, коса 1941 кизоня фкявок од ломань комсомолт рядозонза апак примак. Башка первичнай организациятне искусственна кирьнесазь организациять касоманц. Мезьса ина

кда аф тяфтама отношенияс азончези ся фактсь, што «Борец за новую жизнь» колхознай комсомольский организацияти од, передовой колхозникс Капустин ялгась нинге 1940 кизонь декабрьста макссь заявления комсомолу примаманц колга, но заявления тячимс нинге комсомольский собранияс апак ванонт. Тяфтама жа положенийс комсомолу примамать коряс Чкаловть лемса и «Борец» колхозонь комсомольский организациятнень эсовок.

Передовой од ломаттнени тяфтама бездушнай отношениясь должен улемс ВЛКСМ-нь райкомть ширде решительна обсуждадаф.

С. Метляков.

Рыбинский район.



СНИМКАСА: Рузаевский железнодорожный школань отличник-ле (жержи ширеста видити)—В. Антошкинц, В. Лимонниковсь, В. Рузаевсь и Г. Лебедевсь.

Фотось Веретенниковть.

## Кельговикс урок

Дисциплинась тверда. Мзьяр-да сувасть классу преподавательс, сембе ученикне, кода фкя, стясть, а дежурнайс макссь рапорт, што ученикне анокт занятиянди.

Уроксь паровознай тевть тонафнеманц коряс. Преподавательс Горшков ялгась спокойнайста и последовательнайста мольфтысь урокть. Вов лиссь паровозонь макетать вакс учениксь Макиевскийс. Сон четкайста, кодамовок запискафтома, отвечась преподавательс сембе кизефксонзонды, а стане жа няфнезень сембе частьтнень. Тяфта жа отличнайста отвечась ученица Макаровась и лиятне.

Паровозонь тевть коряс преподавательс Горшков ялгать кельгсазь сембе ученикне, и корхтайхть, што синь отлична аделасазь школат. Горшков ялгась 25 киза работай депо-са, ушedomок ученикокс, токарксь, машинистокс и тии работай железнодорожной училищань преподавательскс.

Сон заслуженна пользовандай оцю авторитетса ученикнень эткса, сяс мес уроконза этнихть увлекательнайста, кодамовок напряженияфтома, тиендомок ученикнени паровозть тонафнемаса оцю интерес.

С. Самошкин.

Рузаевка ош.

## ТЕВ ВАКСА ТЕВФТОМА

Сян колга, што Волковась калдявста работай пионерхнень эткса, корхтайхть васендакиге ся фактне, што школаса пионерхнени аш кодамовок кружокт, пионерский сборхт эрайхть шуроста, играт аф этафневихть. А вдь Волковать, кода пионервожатайн, кровнай тевон, но мес-бди сон тя тевти относится пик халатнайста.

Надиятама, што Од Выселкань школьной комсомольский организациясь, коса Волковась аци комсомольский учетса, шарфты мяль пионерский работат ширес и кармафты Волковать работама стане, кода тянь вешсы сон ширденза комсомолс.

П. Рогачев.

Зубово-Полянский район.

## КОЛХОЗСА СПОРТИВНАЙ ПЛОЩАДКАСЬ

(ИНЖЕНЕРОНЬ СОВЕТТ)

Советский велеть од ломаненза пик кельгсазь физический культурат и макссезь тейнза свободнай пингснон сембод оцю паяксонц. Но аф фалу од колхозникнени пашкотыкшнени физкультураса занимаданмань мялсна, сяс мес лама колхозга аш нльне инь примитивнай спортивной площадкат и физкультурнай снарядт.

Эрь колхозса футболть кельгидонза пик лама. Но сяда цебарь или приличнай футбольнай пакса васьфтемс стака. Лама случаяста футболса налхкондыхть лужайкаса, коса футбольнай орта васте стяффт кафта пильнят, конатнень прызост ламбафтф перекладина. Кржа минь нинге турник, параллельнай брусья и кольца мархта гимнастический городконок.

А вдь комсомолецнень, колхозонь од ломаттнень эсь вийсост можна тейдьяста тиес цебарь спортивной площадка, ко-

нань лангса можнат максомс «Готов к труду и обороне» значокти норматнень, налхкомс футболса, волейболса, баскетболса, этафнемс физкультурнай соревнований.

Мезе эсь эздонза представляет колхознай спортивной площадкась? Примернай планон площадкаты тяфтама. Кувалмос сон занай 148 метра и келес 68 метра. Сембе площадец фкя гектаршка. Площадкаты лангс эряви тиес футбольнай пакса, ласккондемс киня, кувалмос и вярн комотнеманди васта, гимнастический городок, волейболонь и баскетболонь площадкат.

Мезьста ушedomс работат? Кодак анык солай ловсь и цютть коськи, вешеда площадканди васта. Старанда вешемс стама грунт, кона цебарьста нолдалхце ба пачканза ведть, например: шуварт, сёвонть, черноземть. Аф эряви тиендемс площадкат колхозть эзда вайгяльбешкада ичкози.

Пик цебарь улель, кда сон тиеволь школат, паркт, садть, вирть, лийть или эрхкть вакс.

Тиес сразу сембонь, аф фалу тя удакшнени. Сяс эряви ладямс, мезе эряви васендакиге тиес. Тяс эряви ваномс, конешна, местнай условиятнень лангс, но минь рекомендуем строямс приблизительна работань тяфтама очередность планонь коряс: васендакиге пиресть марнек участкаты пиряфксса, штоба тиза афольхть сурсе жувадат. Тиза меле тиеда футбольнай пакса и ласкомс киня—кода тейнза марьгондихть «Спорт-ядро». Сяда тов оборудовандада баскетбольнай и волейбольнай площадкат, гимнастический городок, комотнеманди васта, препятствиянь полоса. И тиза меле, пикелгофтость участкаты, тиза кизонь типса щамонь каяма васт, скомят и стак тов.

Сяда инголе, кода ушedomс строительнай работатнень, тиза тейс пильнянь стяфнезь сембонь сян, мезе эряви тиес площадкаты лангс. Тиза, рулеткада и кувака пиксыкада башка, эряви компас, штоба содамс северть и югть ширен-

зон (меридиаттнень). Тиза правлениять коряс должен этамс футбольнай паксаты оцю осец. Северть и югть можна содамс лия способонга. Кда, кепотксонди, ровна 12 частста шинь кучкаты стамс футбольнай паксаты кучказонза, то цильфепрай северть ширес, коза и эрвиыхть ладямс севернай футбольнай ортатне, а сонь каршезонза—южнайхне. Бда футбольнай паксаты тиес лиякс, аф мердианонь коряс, то илать аф налхковат футболса: шить лученза кармайхть прам фкя командаты налхкиензон и вратаренц сельмос.

Сяда меле, кодак явови площадкась, можна кярмодемс футбольнай паксиян тиема. Ровнай, тиши кемедерна мархта участка лангс сонь можна строямс пик тейдьяста. Эряви анык дернань пакшса тиес лотконят, ровналгофтомс цильднытнень и бугорнятнень. Мезьда меле тиес ортат, архтомс кинятнень пуронь краскас—и паксаясь анок.

Сяда стака, мзьярда участкась вельхтяф калдявста дернаса. Тяфтама случаяста марьгондеви керсемс пакшкянь пакш

(70 см. кувалмоса и 35 см. келеса) цебарь дернат и кемоста латьцемс фкя-фкянь вакс, вельх тамок этксон шуварса. Тяфтама шуварса вельхтяф этконятнень пачка пиземонь ведсь туй курокста, и сон курок коськи.

Футбольнай паксаты ортанза тиендевихть 12 см. эчкаса покарыв брусост. Ортатнень кувалмосна (валдть шири)—7,32 метра, серьсна—2,44 метра.

Ласкомань кинять тиесмса путневи основания тейнза мелкай щепенкаста или 5—8 см. слойса гравийста и лац сон утрамбовандави. Тя основаниять лангс марави шуваронь шоряфкс (6 пилькста) и растительнай мода (4 пилькста) 5—6 см. общей слойса, сяда меле цютьякяна валови ведьса (кда вастсь пик коське) и катандави катокса. Йофси тяфта жа тиендевихть волейбольнай и баскетбольнай площадкатне.

Ласкомань кинять границанза тиендевихть 5×10 см. сечения мархта доскаста (5 см. эчкаса и 10 см. келеса), конат путневиыхть ребрасон лангс и шавондовихть модати стане, штоба синь нявольхть аф 3 см. сериста кинять уровеньонц



# ИСПЫТАНИЯ ТЕНДИ АНОКЛАМАСЬ

## ТОНАФНЕМА КИЗОТЬ АДЕЛАСАСЬК ЦЕБЯРЬСТА

Ушедомок тонафнема кизоть васенце четвертень эздажиге, Кочелаева велень средний школань сембе преподавательские и ученикне эсь вийснон мобилизовандазь цебярьста и отличнайста тонафнема-ти, учебнай планть успешнай-ста пашкодеманти.

Тюремок школаса успеваемость и посещаемость неуклоннаиста касфтомаснон и дисциплинировать кемокстаманц инкса, школань преподавательские и ученикне эсь ёткост кемокстасть социалистический соревнованиень договорхт и тердизь социалистический соревнованиас тьяка жа райононь Ковылкинский средний школань преподавательский коллективть и ученикне.

Но сави видеста азоме, што васень кафта четвертень пингста успеваемость коряс соревнованиас васенце васть сатнезе Ковылкинский средний школась. Эста минь эсь инголенк путоме кизефкс кода машфтомс тя лядомать?

Обсуждаюмок тя кизефксть педагогический совещанияса, преподавательские решили: отстоящий ученикне ёткас организавандам дополнительной занятии и вишкоптемс теист преподавательские и отличнайста тонафни ученикне ширде индивидуальной лезксонь максомать. Ня мероприятияне и сембодонга пях XVIII-це Всесоюзной партийной конференция лемса соцсоревнованиясь пях оюста лездеть школаса успеваемость касфтоманцы, сембе учебно-воспитательнай процесеть цебярьгофтоманцы. Нюрьхяне пингста школаса успеваемость кассь 75 процентста 85 проценте. Колмоце четверть эзда социалистический соревнованиас минь школаньке лиссь васенце вастти. Школань сембе преподавательские и ученик-

не эсь мялснон увереннайста азозь, што соревнованиас васенце вастть Ковылкинский средний школати синь аф макссазь 4-це четверть эздовок.

Тяни школась сашенды тонафнема кизоть пенцты. Лама дисциплина коре учебнай программась аделаф ни, конатнен коряс тяни ётафнихть повторения. Школаса лаказы-лакай испытаниентенди анокламась. Историю, математику, географию коряс сёрмафть устной испытаниень билет, конат ни обсуждаихть предметнай комиссиятендь эса и кемокстафть директорть мархта. Тяфтажа тиф испытаниень расписания, конанц мархта сембе ученикне знакомдавихть аф майть 10-це шидонза поздна. Тя числать эзда сязомок ётаф материалть коряс сембе ученикнеди ули организавандаф консультация.

Школась испытаниентенди вишке работада башка пях ою работа вяти колхозникне культобслуживаниясостка. 5—10-це классонь ученикне эзда организавандаф 2 художественнай агитбригадат, конат кармайхть обслуживать паксыя работай колхозникне массово-разъяснительнай и художественнай самодеятельность работаса.

Минь надиятама, што цебярьста анокламок испытаниентенди, тонафнема кизоть аделасась 100 процентнай успеваемость, тьякса минь школань эрь преподавательсь, эрь учениксь тюрхить социалистический соревнованиень знамать ала, и конань вельде минь эсь лангзонк сязф обязательстватнен пашкотьсаськ достойнайста.

П. Маловский,

Кочелаевский средний школать директороц.

## Тонафнихть отличнайста

«Отличнайста тонафнемс, пашкотькшнемс комсомольский организационь ширде максф поручениятендь — вов сембодя цебярь казнезе родиназти», — корхтай 9-це классонь учениксь Чуваткин Степань.

Чуваткинць вьре азф валонзон пашкотькшнесыне честь мархта. Работамок школаса комсомольский организационь секретарьке, сон тонафни сембе дисциплинатнен коряс анычек отличнайста.

Школаса тяфтама комсомолца лама. Вов, кепотьксонди, Цыбизова Нюрась. Сон кочкаф 2-це отрядти пионервожатыйк, и тосонга работай аф калдывста. Систематически пионерхнен мархта ётафни сборхт,

организовандакшни интереснай, полезнай играт.

Средний школань преподавательсь Цымбалов ялгась организаванда хоровой кружок, коса участвовандай 21 комсомолец и комсомолка. Хоровой кружоксь ою успех мархта выступандась майский праздника клубса.

Сатомок предмайский соревнованиас аф калдыав результатт, сембе комсомолецне сёрмадсть социалистический договорхт, коса сязвь обязательстват — тундань проверочнай испытаниентень ётафомс ою сатфкс мархта.

В. Кирдяшкин.

М. Пашад веле, Пурдошанский район.

## Пионерхне отличник

Тяднен кизоть минь Морд. Козловский средний школасонк, пионерский организационьке ётафсь ою работа иттенъ коммунистический духса воспитаниснон коряс. Кода правила, тонафнема кизоть сембе пингстонза сборхнен ётафнезь аккуратнайста, планц коре.

Колмоце отрядса, кода лия отрядтнен эса, особеннай мяль ульсь шарффт пионерхнен успеваемостснон касфтомаснон и дисциплинаснон кемокстаманц шири.

Калдыавста тонафни ученикнеди кемоксневсть отличник, конат макссть теист ою лезкс. Минь тя ётаффт работавьке макссь замечательнай результатт. Волкова Матренась, Шишканова Нюрась, Федоров Семась, Ермолаев Лешась, Вол-

ков Антошась, Глухов Колясь и лама лият тонафнема кизоть колмоце четвертень аделазь отличнайста. Тяниень пингть мольфтихть ою работа испытаниентенди, конатнен сатфкс мархта ётафомасна ашихть фья инь важнай задачкас.

Но тя тевсонга пионерхне ашихть примеркс ляды школьникнеди. Синь ушедозь тонафнема кизоста ётаф материалть повторениянц. Нилеце четвертьста минь отрядонь пионероньконь эзда кинге аш калдыав отметкац.

Е. Голосницкий,

Колмоце отрядть вожатаец.

М. Кандрашкин,

Отрядонь советть председа-телец.

Атюрьевский район.

## Тундань проверочнай испытаниентенди

Школатне эрь шиня учихть тундань испытаниень питнен эса, мзярда синь воспитанниксна няфтьсась, кода касфтозь содамашиснон.

Од Выселка велень средний школаса пцтай сембе классенъ эса сембе дисциплинатненъ

коряс аделавсь тя кизонди программас суваффт материалсь, тяни оживленнайста моли ётаф материалть повторандамап.

Преподавательские анокласть сатомшка билет, конатнен коряс кармайхть ётафтомова проверочнай испытаниенте.

В. Общев.

3-Полянский район.

## Тевсь содасы ЭСЬ ПИНГОНЦ

Майть 17-це шистонза аделава тонафнема кизось, мезьда меле ушедыхть школатнен эдга проверочнай и выпускной испытаниенте. Штоба васьфтемс сембе ширде анокета испытаниентень, эряви теист вьтемс кропотливый работа.

Тя тевть мархта обязатт вьтемс руководство педагогический коллективне и комсомольский организационте. Аф тяфта ащи тевсь Сире-Шайговань средний школаса. Виде, улихть башка ученик, конат повторяют программать коряс ётаф материалть. Но нинге лама ученик повторениять ашезь ушеткшне. Ямашкин, Галкин (8-це клас), Бусарова (9-це клас), Шишканова и Волков (10-це клас) комсомолецне, сянъ васте штоба няфтемс пример испытаниентенди анокламаса ляди ученикнеди, синць повторениять нинге ашезь ушедь.

Анокламань работафома аш кода успешнайста аделамс тонафнема кизоть. Тя истинать тяфта жа аф шарьхотькшнемс школань дирекциясь. Сон тячиень шити самс ашезе организаванда консультациянь и дополнительнай занятиень ётафнемать. И эряви азомс, што сембодя калдыавста моли испытаниентенди анокламась инь ответственный—10-це классенъ эса.

И. Тарадаев.

## Мес юкстаф пионерхнен мархта работась?

И. Буриць кочкаф «А» и «Б» сисемце классенди пионервожатыйк. Но аф ваномок сянъ лангс, што тя тевсь пях ответственный, сон тячиень шити самс пионерхнен ёткас аф вяти кодамовок работа.

Нинге пионервожатыйк кочкамстонза ётафсь сбор, коса явонезь пионерхнен отрядга и звенава, а сядя меле нльне весть ашезь ётафне аф беседа, аф сбор, аф кодамовок играт. Левжа велень школаса ули комсомольский организационк, но сон кати-мес тя тевть лангс аф шарффи мяль.

Пионер.

Рузаевский район.

велькста. Модати досканатне кемоксневихть 10×10 сечения мархта 40 см. кувалмоса пяльня лангс.

Препятствиянь полосати аф эряви специальна аноклаф тунт. Использовандакшневи природнай грунтсь. Тя полосати оборудованиень техникал можна содамс ГГО-нь норматенди максомань правилатнен эзда.

Комотнеманди лоткненъ крхкалмосна эривихть тиендемс аф пале метрада крхкаста и модать мархта ровнайста ваялмс чистай шуварса. Яматненъ борсна тиендевихть 5×20 см. сечения мархта доскаста, конат кемоксневихть межати пяльнянь лангс.

Наконец, кой-кодама советт сянъ колга, кода тиёмс гимнастический городок—спортивный площадкать лангса сембодя сложнай сооружениять.

Сязода 7,65 метрань кувалмоса и 25 см. диаметраса кафта столбат и калмасть синь модати, штоба улельхть фьяфьянь эзда 6 метрань вастса. Столбатненъ калмасть аф 1,5 метрада сядя алу васте, лотк-

ненъ вельхтиясть шебняста, ут-рамбовандамок синь. Столбатненъ подземнай пялькснон цебярьняста валомс смоласа.

Тяда меле столбатненъ пряс путода и кемоста кемокстада балка, повфтамок тейнза гимнастический снарядт: кафта шестт—неподвижной и подвижной, гимнастический кольцат и лазаниянди канат.

Балкати снарядонь повфнемась тиендеви кшнинъ крочокса, конат перекалдинати повфневихть шайбань и гайкань вельде.

Городокть боковой ширеванза латцевихть: бум (якамста равновесиянь упражненианди снаряд), турник и наклоннай куцема. Бумсь тиендеви 4 метрань кувалмоса, 2,5 см. эчкаса и 17 см. келеса келунъ или тумонь плотнаста шавф и марс петфатф доскаста. Бумти стойкатне тиендевихть пичень или кузонь 5 см. эчкаса доскаста. Бумсь стойкатнеди кемоксневий 10 миллиметрань диаметраса сквозной болт вельде, конат путневи эривикс серес.


Турниксь кемоксневий 1,5 метрань кувалмоса кафта

кшнинъ угольянь (10×6 см.) вельде, конат витендафт шурпса гимнастический городокнь столбатненъ эзда фьяти 2,5 метрань серес. Кшнинъ угольянтненъ эсапаленьдеви варяня 1 см. диаметраса стальной шпильканди, штоба стальной перекалдинась путоволь эривикс серес.

Наклоннай куцемасть (келеп сонъ—60 см.) повфневи алу кафта столбана лангс, конат шавфт модать уровененц мархта ровнайста, а вьри—1 метрань кувалмоса брусокс, конац тиф гимнастический городокть балканц торецониза. Куцемасть тиендеви 10×8 см. сечения мархта пичень или кузонь брусьяста, а сонъ ребранза—келуста, поюста или тумоста (ребрать диаметрац—3,5 см.)

Площадкать лангста грунтсь должен улемс плотнай, но упругай и аф опаснай физкультурникнеди снарядста прамань случайста. Вов мезенькса цебярь дерна мархта тишеса (10—15 см. эчкаса) вельхтиф вастсь ули сембодя цебярь гимнастический городокнь площадканди.

В. Поликарпов инженерсь.



«Союздетфильм» (Моску) киностудиясь тии съемка Марк Твенъ коряс «Принц и нищий» од звуковой кинофильмати. Режиссерхне: Сталинский премиянь лауреатс Э. П. Гарин и Х. А. Локшина, операторс орденоносецс И. К. Мартов.

СНИМКАСА: М. П. Барабанова артисткась, кона исполняет кафта рольхть—принц (кержи ширеса) и нищайть рольснон. Фотось М. Руновть (фотохроникась ТАСС-ть).



## Всесоюзный сельскохозяйственный выставать панжемдонза инголе

1941 кизонь Всесоюзный сельскохозяйственный выставка ингольцет коряс сядя келиста ули няфтьф колхознень воднай благоустройствасна. «Мелиорация и лесонасаждение» павильонца панжеви од зал, кона посвященый мелиоративнай работатнень народно-хозяйственной значениаснонды. Оязоронь Россияса мекольден 35 кизоть пингста орошаемай площаде кассь анычек 300 тежянь гектарда. Советский Союзса анычек кафта кизоста массовой народнай стройкатнень вельде тиф орошения 553,6 тежянь гектар од моданди. Стройф 68 канал, конатнень кувалмосна марса 5.422 километра. 1940 кизоня страна са стройф 17.073 од пруд, эрь кизоня сявондеви хть пустынятнень эзда од модат, конат арьсхть панжи садкс и виноградникосе. Павильонть залсонза латцеви колхознай водоемонь оцю макета, кона няфнесы кода сон комплекса использовандамс.

(ТАСС).

## ОСО-нь организациать работан

Цебарьста работай Поникеловка велень Кировть лемса колхозса ОСО-нь первичнай организациа аш. Председателькс Ермаков ялгас. Планц коре этафневихть заиятият и оцю интереса тонафневи ОСО-нь четтнень эткса военной тевсы. Сынь содасазь малокалибернай винтовкаты частензон, противогазть, ручной гранататы и стак тов.

ОСО-нь четтнень эзда 27 ломань максозь норматнень ПВХО-нь значокти, 19 ломань — ВС-нь значокти.

С. Метляков.  
Рыбинский район.


## Европаса, Африкаса и Азияса войнась

(Майть 8-це шистонза военной действиятнень дневниксна)

Майть 8-це шинц карша веть германский авиациять крупнай соединениязса тисть налет Ливерпуль и Гульть лангс. Сяда башка ульсть атаквандафт Хартлпулс, Мидлзбрось, Бристоль и Плимутс. Германский дальнебойнай артиллериясь ляпендсь Дувр портть лангс. Стажи мольсть германский вооруженнай вийхнень операциясна моряса.

Сяка жа вена английская авиациясь тага тисть налет Брестть лангс (Францияса). Бомбардировандафт лия объект территориять эса, конань оккупировандазе Германиясь.

Севернай Африкаса оцю измененият ашелхть. Бойхне молхть Тобрукть секторса и Соллумть маласа. Английский командованиять сводкасонза азондовн, што сядя меле, кода германский войскатнень удалась штурмаса сявоме Тобруксь, тя районца люпштамась лафчемсь. Воюющей ширетнень авиациясна ингольцекс примси ак-



«СССР Н-169» самолетть высокоширотнай экспедицияц.

СНИМКАСА: «СССР Н-169» самолетсь 1-це № эйть лангса. Фотось самолетть командиронц И. Черевичнайть. Снимкась пачфтьф Советский Союзонь Геройть И. П. Мазурукть и летчикть-орденоносецть М. И. Козловть мархта.

## ВЕЛЕНЬ АКТИВИСТТ

Потафнемок эряфе XVIII партконференциять решениянзон, Барановка велень изба-читальнять заведующайц Черакшев Павелсь лац ладязе изба-читальнять работанц. Тяни изба-читальняти тиф культурнай вид, цебарьста и художественна оформленнай, чистай и уютнай. Тяса ули патефон, балалайкат, лама пар шашка, домино, получахшневихть газетат, литературно-художественнай журналхт, разнай брошюрят.

Массово-разъяснительнай работать ладяманц инкса, изба-читальнясь пуропть совет, коза таргафт велень сембода цебарь ломаттне, активисттне и культурнай фронтонь работникне.

Изба-читальнять советон ащи марнек 9 ломаньцта.

Сембе четтне вятихть оцю массово-разъяснительнай работа, мезенькса кассь посетительхнень лувкссна.

Изба-читальнянь советонь членць Надинць вяти колхозникнень эткса массовой работа. Сон колхозникненьди тя темать коряс тиенди беседат, няфнесыне карта лангса ся васттнень, кода моли омбоце империалистический бойнясь.

Сембе ня беседанзон кулхондома сашендыхть лама колхозникт.

Тяни Надинць лувонды паксяса сокайхнень и лия рабочайхнень эткса газетат. Масать эткса сон пользовандай оцю авторитетса, кочказь колхознай правленияти членкс и, сяка пингть, сон работай овощеводкс.

Тяфтама жа массово-разъяснительнай работа вяти изба-читальнянь советть членок Кашаевсь. Колхозникнень эткса лувонды газетат, журналхт, XVIII Всесоюзнай партийнай конференциять материалонзон, партиять и правительствать решенияснон.

Работамок животноводствань санитаркс, сон животноводствань работникнень эткса лувонды тя отраслять коряс журналхт, методический указаният, проработандазе колхозникненьдополнительнай пандомать колга СССР-нь СНК-ть и ВКП(б)-нь ЦК-ть мартть 13 шинь постановленияснон.

Потафнемок тя постановлениать эряфе, СТФ-са и ОТФ-са рабочайхне тюрхить общественнай животноводствать касфтоманц инкса.

Тяни изба-читальнянь советсь максси оцю лезкс колхозти сокамать и видемаць цебрь качества сядя курук аделаманпты. Тяни сембода пак путнесазь вийснон комсомолецне и велень лия активисттне.

Сембе ширде изба-читальнясь арась васенце вастти велеть культурнай запросонзон пашкодма са.

Карл Черакшев.  
Атюрьевский район.

## И Р А К

(Справка)

Арабский королевствась Ираксь занци территория 371 тежянь квадратнай километра, кода населениась 3 миллиотт 670 тежянь ломань. Королевствать столица — Багдад. Ираксь ащи сельскохозяйственной страна. Сонь важнейшай естественнай богатствац — Мосульский нефтась, конань разработканц мольфтьсы английский капиталсь.

1914—18 кизонь васенце мировой войнать самс Ираксь ащесь провинциякс османский империяти (Турция). Войнаць пингста Иракть территориянц занязь английский войскактне и 1920 кизоня Антантань державатнень решенияснон коряс максф Англияти, подмандатнай странанди.

1922 кизоня Иракса крупнай волненияда меле Англи-

ясь тисть сонь мархтонза союзнай договор, и Ираксь формальна ульсь признанай независимай государствакс. 1930 кизонь договорть коряс Англиясь получась права кирдемс Иракса эсь войсказон, пользование мархта, тиендемс воздушнай базат и ст. т. 1932 кизоня Лига нациять решениянц коряс Иракть территориянц лангс английский мондась ульсь отмененнай, но фактически Ираксь лядсь полнай зависимостьс Англиять эзда.

Иракский армиять эса, Гавас-Офи агентствать даннайзон коряс, лувондови 40 тежянь ломань и может улемс пачфтьф 70 тежянь ломаньц. Иракский авиациять составса лувондови 50 самолет.

## ЧЕРЕВИЧНАЙТЬ САМОЛЕТОЦ АМДЕРМАСА

Майть 8-це шистонза 3 частта 50 минутаста московский пингть коряс «СССР Н-169» самолетть эса высокоширотнай экспедициясь тусь полярнай станцияста, кона ащи Маточкин Шар проливть берягса, и 3 частта меле сась материкти — Амдерма. Арктический эйхнень велькса лиемась аделаф. Полафтомок самолетть лыжанзон шарыса, Черевичнай ялгастуй Архангельскийть ланга Москву.

(ТАСС).

## САДСЬ ЮКСТАФ

Садонь водямась, ошть и велеть шуфтоньясь пижелгофтомац миньцонк ащи оцю тевкс. Тянь пак лац шарьхкодезь Ромодановский райононь Михайловка велень комсомолецне. Сынь тисть оцю почин — тердезь эсь обращениясоот Мордовиянь сембе комсомолецнень культурно-зажиточнай эряфть инкса тюремат.

Сынь тя ценнай обращенияснон лама комсомольский организация фатызь и этафнесазь эряфе. Аф ваномок тя тевть оцю пользанц лангс, тячинь шити самс тянь колга мезевок аф арьси Сарга велень комсомольский организациясь. Аф арьсемок уж од шуфтоньянь озафнемать колга, тяса сире саттневок юкстафт. Велеса ули цебарь сад, но сон катф юмама-арама, аш мельганза кодамовок уход, аш эсонза садовод.

Комсомольский организациясь аф тиенди тяфтама безобразнай состоянияс ащи садть лангс эрявикс забота.

Д. Алямкин,  
И. Алямкин.  
Сире-Шайговань район.

## ВАЛОНЗОН АФ ПЯШКОТЬКШНЕСЫНЕ

Бда кизефтес Шмидть лемса колхозса Осовиахимский организациять руководителец Исайкин ялгать, — мес сон аф вяти работа осовиахимонь четтнень мархта? Вряд ли муволь тейза тя кизефксть каршес ответ, сяс мес тяса улихть сембе условиятне, штоба витемс плодотворнай работа. Ули противогаз, винтовка, помещения.

Организацияса лувондови 73 член. Инголе тяса работась мольсь цебарьста: тонафневсь противогазсь, винтовкась, этафневсь беседат химический оборонать колга. Но мекольден пингть Исайкинць юкстазе порученай тевть, аф шарфни кодамовок мяль ОСО-нь организациать работанц шири. ОСО-нь райсоветсь макссесь 600 патрон, но сынь мархтост ОСО-нь четтне ашесь пользованда.

Ламоксть кизефнезь ОСО-нь четтне, мес аф вяти работа мархтост Исайкинць. Ламоксть макссесь сон вал, што кармай работама, но ня валонзон ашезень пашкотыкшнесь.

И. Н. Базаркин,  
И. А. Базаркин.  
С.-Синдровский район.

Ответ. редакторсь  
И. ЧУДАЙКИН.